



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titvlvs XII. De Cognatione legali.

---

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)



tamen à parentibus si ipsi infantem in necessitate baptizâriat, ac ex sacro fonte susceperint, & ideò nec ab exigendo nec à reddendo debito impediuntur, quod intellige à parentibus matrimonio junctis contrarium enim de prole ex fornicatione susceptâ dicendum foret.

## TITVLVS XII.

De

### Cognitione legali.

**QUÆRES 1.** Quid sit cognatio legalis? Respond. Cognatio legalis sic dicta quia ortum duxit à legibus Civilibus per SS. Canones postea approbatis, est *propinquitas personarum poventiens ex adoptione.*

**QUÆRES 2.** Quid sit adoptio & quotuplex? Resp. Adoptio est actus legitimus per quem is qui filius vel nepos non est, in filium vel nepotem assumitur; & communiter dividitur in perfectam & imperfectam; perfecta quæ propriè arrogatio dicitur, est, quâ persona extranea, quæ sui juris est, rescripto Principis, transit in familiam & potestatem adoptantis, ita ut ipse hæres necessarius fiat ex testamento, uti filius carnalis. imperfecta autem vel adoptio specifica est, qua filius familiæ in potestate patriæ constitutus ab aliquo alio in filium vel nepotem assumitur, quia transeat in ejus potestatem vel familiam, nec sit hæres necessarius ex testamento, licet succedat ab intestato, §. 1. & 2. *instit. de adopt. l. 10. Cod. eod.*

**QUÆRES 3.** Quæ sit inter dictas adoptiones differentia? Respond. Differentia inter utramque



adoptionis speciem olim nulla erat; hodie ve-  
 ex constitutione Justiniani, id observandum est,  
 filius adoptetur ab avo paterno vel materno, ple-  
 iure adoptatus transit in ejus potestatem & fa-  
 miliam, & acquirit jus suicitatis, quod si verò ab ex-  
 terno adoptatus fuerit, in familiam adoptantis non  
 transit, sed in potestate patris naturalis manet, &  
 hoc solummodo emolumentum ex adoptione con-  
 equitur, quod cum aliis liberis naturalibus patri  
 intestato succedat §. 2. *Instit. §. l. penult. Cod. h. t.* is  
 item qui sui juris est, si arrogetur, ipse, & bona  
 eius, uti & liberi, si quos in potestate habuerit in  
 patriam arrogantis potestatem transeunt, taliter  
 quidem ut arrogatus non nisi causâ cognitâ eman-  
 cipiari, ne etiam ex hæredari possit, sub pœnâ reli-  
 gionis quartæ partis omnium bonorum; quæ quar-  
 ta Divi Pii ab Antonino Pio hujus constitutionis  
 auctore, nominari solet.

**QUÆRES 4.** Qualiter cognatio legalis  
 matrimonio contrahendo obstet? Priusquam Re-  
 spondeam sciendum est, ex adoptione triplicem  
 cognationem oriri. prima est in lineâ rectâ inter  
 adoptantem & adoptatum, ejusque descendentes  
 juxta §. *non omnes instit. de nupt.* Secunda est in lineâ  
 transversâ quæ comprehendit filios seu liberos a-  
 adoptantis. Tertia per modum affinitatis contrahitur  
 inter adoptatum & uxorem adoptantis, & vicissim  
 inter adoptantem & uxorem adoptati *l. adoptivus ff.*  
*de ritu nuptiar.* his tribus cognationis legalis specie-  
 bus hoc commune est, quod matrimonium dirimant,  
 non quod leges civiles hanc dispositionem fecerint,  
 sed quod canones factam à legibus dispositionem  
*cap. un. b. t.* approbarint, in hoc autem differunt,  
 quod



quòd cognationis primæ species videlicet inter adoptantem & adoptatam, vel matrem adoptivam & filium adoptivum ejusque liberos in potestate existentes dirimat matrimonium in perpetuum; ita nec dissoluta adoptione validè inter se contrahere possint l. 85. de ritu nuptiar. quod & de tertia adoptionis specie tradunt cõmuniter Doctores; secunda autem videlicet in lineâ transversâ matrimonium quidem dirimat, quod tamen impedimentum solutâ adoptione cessat, ex ratione quod ipsa natura velle videatur, ut ex persona quæ aliquando patris vel matris loco fuit, perpetuò veneranda & speciali reverentiâ copulam carnalem excludente colenda sit, non item ea quæ fratris vel sororis loco fuit, cessante ratione prædictâ, ex quo

*COLLIGES primò.* Licet stante adoptione adoptatus cum liberis naturalibus adoptantis matrimonium contrahere nequeat, potest tamen adoptione solutâ, si nimirum emancipatus vel ex patria potestate dimissus fuerit.

*COLLIGES secundò.* Impedimentum cognationis legalis intelligendum esse de filiis adoptantis naturalibus & legitimis, non vero de adoptivis, quia leges quibus hoc impedimentum introductum est, de naturalibus non de adoptivis loquuntur.

*COLLIGES tertio.* Hoc impedimentum, cum pro causâ habeat patriam potestatem ex arrogatione tantùm oriri, non ex adoptione specificâ, cum per illam non per hanc adoptatus transeat in patriam potestatem adoptantis.

TITU.